

25-12-2025

आकाशवाणी

खबरां राजेश कुमार कोला

पैहले खास-खास खबरां:-

1. प्रधानमंत्री नरेन्द्र मोदी होर साबका प्रधानमंत्री भारत रतन अटल बिहारी वाजपेई हुंदी जयंति दे मौके पर अज्ज लखनऊ दा दौरा करा'रदे न।
2. सेहत ते परोआर कल्याण मंत्री जे.पी. नड्डा होरें आखेया ऐ जे देश च मलेरिया दे मामले च 80 प्रतिशत दी कमी आई ऐ।
3. भारत नै मूर्तियें गी तोड़ने दी निंदेया कीती ऐ ते इसी मंदे भागें आला करा'रदिता ऐ।
4. "क्रिसमस" दा त्योहार पूरी दुनिया च प्रार्थनाएं ते उत्सवें कन्नै मनाया जा'रदा ऐ। राष्ट्रपति द्रौपदी मुरमू होरें क्रिसमस पर बधाई दिती ऐ।
5. गृहमंत्री अमित शाह होरें आखेया ऐ जे देश च वामपंथी अतिवाद ते आतंकवाद आले इलाकें च रमानदारी कायम होई ऐ ते देश हूँन सुरक्षित हत्थें च ऐ।
6. केन्द्रीय सरकार शिक्षा ते कर्मचारियें च AI दा कौशल बदाने सनैं विकसित भारत दे लक्ष्य लेई कम्म करा'रदी ऐ।
7. हॉकी दे स्टार खडारी हार्दिक सिंह होरें गी मेजर ध्यानचंद खेल रतन पुरस्कार आस्तै चुनेया गया ऐ।

<><><><><>

PM -Vajpayee

प्रधानमंत्री नरेन्द्र मोदी- साबका प्रधानमंत्री भारत रतन अटल बिहारी वाजपेयी हुंदी 101 मीं जयंति दे मौके पर अज्ज लखनऊ जा'रदे न। दपैहरी मगरा तकरीबन ढाई बजे प्रधानमंत्री राष्ट्र प्रेरणा स्थल दा उदघाटन करंगन ते इस मौके इक जनसभा गी बी सम्बोधित करंगन। प्रधानमंत्री नरेन्द्र मोदी हुंदी दूरदर्शिता दे चलदे स्वतंत्र भारत दे दिग्गजें दे सगोसार विरसे दे मानें च राष्ट्र प्रेरणा स्थल भारत दे महान राजनेताऐं चा इक श्री अटल बिहारी वाजपेयी हुंदे नेतृत्व- आदर्श- जीवन ते सगोसार सियासी विरसे नै राष्ट्र दी लोकवादी- सियासी ते विकास आली बता च अपनी अंह भूमिका नभाई ऐ।

<><><><><>

Nadda -Health

सेहत ते परोआर कल्याण मंत्री जे.पी. नड्डा होरें आखेया जे देश च मलेरिया दे मामले च 80 प्रतिशत कमी आई ऐ ते मलेरिया कन्नै होने आली मौतें च 78 प्रतिशत दी कमी आई ऐ। नमीं दिल्ली च सार्वजनिक सेहत बारे इक सम्मेलन गी सम्बोधित करदे हो'ई श्री नड्डा होरें दसेया जे 30 जहार शा बद्द आयुष्मान आरोग्य

मंदरें नैशनल क्वालिटी एशोरेंस स्टैंडर्ड आले प्रमाण-पत्र हासल कीते न। टी.वी रोग बारे उ'नें आखेया जे देश च 21 प्रतिशत मामलें च कमी आई ऐ जदके पूरी दुनिया च 12 प्रतिशत गै कमी आई ऐ-जित्थुआं साहडे देश च इस रोग दी रोकथाम च उपलब्धी दा पता लगदा ऐ।



EAM -Thailand

विदेश मंत्री होरें आखेया ऐ जे देव प्रतिमाएं गी तोड़ियै आस्थावानें दी भावनाएं गी चोट पजाना बड़ा निरादर आला कम्म ऐ ते ए कुदे बी नैई होना चाहिदा। उ'नें थाईलैंड कम्बोडिया दे सीमा क्षेत्र च हिंदू देव प्रतिमाएं गी नुकसान पजाने दी मीडिया च आई दी खबरें पर ए प्रतिक्रिया दिती। विदेश मंत्रालय दे प्रवक्ता रंधीर जयसवाल हो'रें आखेया जे हिंदू ते बुद्ध देव प्रतिमां सब्बन लेंई बड़ियां पूजनीय न ते एह साहड़ी सभ्यता दा इक हिस्सा न।



Christmas

अज्ज समूलची दुनिया च “क्रिसमिस” दा त्योहार मनाया जा'रदा ऐ। दुनिया भर च ईसाई समुदाय दे लोक यीशु- मसीह हुं'दे जन्म दे चेतें च क्रिसमिस मनांदे न। इस मौके पर लोक“क्रिसमिस” गी रंग-बिरंगियां लड़ियां-तारें ते पुष्प चक्र लाइयै अपने घर सजांदे न ते इक्क-दुए गी तोहफे दिंदे न। सब्बन गिरजाघरें गी शैल सनाहकड़े ढंगे कन्नै सजाया गेदा ऐ ते Mass Prayers सन टकोहदे कार्यक्रमें दा बी सरिस्ता कीता जंदा ऐ। इस बरे 14में पोप Leo अपनी चनोए जाने मगरा पहली बारी “क्रिसमिस” त्योहार दी अध्यक्षता करा'रदे न। अज्ज पोप क्रिसमस-डे मनांगन ते बरे च दंऊ बारी दिते जाने आहले Urbi and Orbi शहर ते दुनिया ताई अपना सनेहा ते अपना आशीर्वाद देगंन।



President Greetings

राष्ट्रपति द्रोपदी मुरमू होरें “क्रिसमिस” पर सब्बन गी शुभकामनां दितियां न। इक सनेह च राष्ट्रपति होरें आखेया जे “क्रिसमिस” आनंद ते उल्लास दा त्योहार ऐ जेड़ा प्यार ते भाईचारे दा संदेश दिंदा ऐ। ए त्योहार ईसाह-मसीह हुं'दे आसेया मनुक्खता दे कल्याण लेई दिते गेदे बलिदान दा चेता करांदा ऐ। राष्ट्रपति हो'रें अगगे आखेया जे ए त्योहार लोकें गी शांति- रमानदारी- बराबरी ते समाज सेवा दी प्रेरणा बी दिंदा ऐ। उ'नें हर-कुसे गी आखेया जे ईसाह-मसीह हुं'दे दस्से दे रस्ते दा पालन करन ते इक नेह समाज दे निर्माण च योगदान देन- जेड़ा दया ते रमानदारी गी बड़ावा दिंदा ऐ।



केन्द्रीय गृहमंत्री अमित शाह होरें आखेया ऐ जे नशा ते मनुक्खें दी तस्करी ते साईबर अपराध ते संगठित अपराध दे खिलाफ सरकार चट्टान आंगर खड़ोती दी ऐ। गृहमंत्री होरें दस्सेया जे किश साल पैहले कानून बवस्था आले खेतर च देश च 3 बड़ियां चुनौतियां हियां- वामपथी अतिवाद- जम्मू-कश्मीर च आतंकवाद ते पूर्वोत्तर च सशस्त्र संगठन। पंचकुला च इक समारोह च बोलदे होई गृहमंत्री होरें आखेया जे मौजूदा सरकार नै इनें त्रौनें खेतरें च चुनौतियें पर काबू पाया ऐ ते इनें त्रौनें खेतरें च देश हून सुरक्षित ऐ।



AI Skills PMKVY

कौशल विकास ते उद्यमिता ते मंत्री जयंत चौधरी होरें प्रशासन- उद्योग- शिक्षा ते सिखलाई संस्थानें च AI समर्थ बढाने पर जोर पाया ऐ- तां जे साहड़े देश दा सिखलाई ते कौशल विकास आला सरिस्ता विश्व स्तर दा बनी सकै। नमीं दिल्ली च AI दे कौशल गी विकसित करने बारे लग्गी दी इक मीटिंग दी अध्यक्षता करदे होई श्री चौधरी होरें आखेया जे शिक्षा- सिखलाई संस्थानें ते कर्मचारियें च AI दी महारत गी विकसित करना बड़ा जरूरी ऐ ते सरकार AI आधारित विश्व स्तर दी अर्थ बवस्था आले विकसित भारत गी कायम करने च लग्गी दी ऐ। मीटिंग च मंत्री होरें इंडिया AI Future Skills दी नीतियें दा जायजा लैता- जिंदे च महिलायें लेई AI आला कैरियर चुनने ते PM KVV योजना दे चौथे गेड़ च AI दी सिखलाई गी बढ़ावा देने दी समीक्षा कीती गेई। मीटिंग च इस गल्ला पर जोर पाया गया जे AI क्षमता आली प्रतिभा गी विकसित कीता जा ते सेहत- विनिर्माण- सेवा ते सरकारी खेतरें लेई लोइचदी AI प्रतिभाएं गी इंजीनियरिंग ते शोध राएं तयार कीता जाई सकै।



PM SETU

कौशल विकास ते उद्यमिता मंत्रालय नै “PM SETU” योजना च हिस्सा लैने ताई बंज बपार जगत ते लीडरें गी साददा दिता ऐ- जेड़ा वोकेशनल सखलाई बक्खी इक्क बदलाव दा इशारा ऐ। ए पैहल वोकेशनल सखलाई दे कम्म करने दे तरीके चा इक बदलाव ऐ। मंत्रालय नै राष्ट्रीय कौशल सखलाई संस्थान गी उब्बड़ा चुक्कने ताई भ्याल लब्बने आस्तै इक्क EDI जारी कीता ऐ। राज्यें ते केन्द्र शासत प्रदेशें बी इस चाल्ली दे भ्यालें दी तपाश रम्भ करी दिती ऐ जेड़े चुनिंदा औद्योगिक सखलाई संस्थानें गी बदलने च मदाद करगंन। अज्जै तगर कर्नाटक- गुजरात- असम ते चंडीगढ़ नै EOI जारी कीता ऐ। “PM SETU” स्कीम गी इस बरे मई महीने च केन्द्री कैबिनेट नै 60 जहार करोड़ रुपे दे बजट कन्ने मंजूरी दिती ऐ। एदा मकसद 1000 सरकारी ITIएं गी अज्जै-कल्लै दियें सहूलतें ते सखलाई कार्यक्रमें कन्ने लैस बनाना ऐ। भुवनेश्वर- चेन्नई- हैदराबाद- कानपुर ते लुधियाना च 5 राष्ट्री कौशल सखलाई संस्थानें गी बी Global Center of Excellence दे तौरा पर विकसित कीता जाग।



Khel Ratan –Award

भारत दे हॉकी दे स्टार खडारी ते दंडू बारी ओलम्पिक विजेता हार्दिक सिंह होरें गी प्रतष्ठित “मेजर ध्यानचंद खेल रतन” पुरस्कार आस्तै नामांकित कीता गया ऐ। राष्ट्रीय खेड्ड पुरस्कार 2025 लेई नामांकन दे फैसला भारतीय ओलम्पिक एसोसिएशन दे उपाध्यक्ष गगन नारंग हुंदी अध्यक्षता च लगगी दी ताल पैनल दी मीटिंग च लैता गया। पैनल नै 24 एथलिटें गी “अर्जुन” पुरस्कारें आस्तै बी चुनेया ऐ- जिंदे च योगासन एथलिट आरती पाल- शूटर मेहली घोश- जिमनास्ट- प्रनति नायक ते देश दे बैडमिंटन जुगल खडारी त्रीसा जौली ते गायत्री गोपीचंद शामिल न। खेड्ड रतन भारत दा सब्बनै शा उच्चा खेड्ड पुरस्कार ऐ।



Vaishnav Rahul

सूचना ते प्रसारण मंत्री अश्विनी वैष्णव होरें लोकसभा च विपक्ष दे नेता राहुल गांधी हुंदा धन्नवाद कीता ऐ कीजे श्री गांधी होरें “मेक इन इंडिया” कार्यक्रम दी कामयाबी लेई प्रधानमंत्री हुंदे नेतृत्व दी सराहना कीती ही। श्री वैष्णव होरें राहुल गांधी हुंदी इक सोशल मीडिया पोस्ट दा हवाला दिता जेदे च आखेया गेदा ऐ जे प्रधानमंत्री हुंदी नीतियें दी अमलावरी करी साहड़ी अर्थ बवस्था उत्पादक अर्थबवस्था दे तौर पर उब्बरा करा’रदी ऐ। तौआई राहुल गांधी होरें इक सनेह च दस्सेया ऐ जे इक कम्पनी नै 8 ते 9 महीने दे अंदर 30 जहार शा मते कर्मचारियें गी नौकरी दिती- जित्थुआं भारत च रोजगार च तेजी औने दा पता लगदा ऐ। उ’नै एब्बी दस्सेया जे ए युनिट मता करिये महिलायें पर आधारित ऐ ते 80 प्रतिशत कर्मचारी महिलां न।



Read by	:	Rajesh Kumar
Stand by	:	Pankaj Kohli
D.E.O.	:	Rajni Devi
Skilled	:	Rajat Paul
Editor	:	Ashok Kumar Mota